



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

XII. Heinrich, Herr von Mecklenburg Stargard, beurkundet unter Zustimmung des Bischofes Gottfried von Schwerin, daß er dem Kloster Doberan dessen Besitzung zu Zechlin abgetauscht habe, im Jahre 1306.

---

---

**Nutzungsbedingungen**

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

actionem quoad hanc causam, quam ipsi seu heredes eorum habent seu habere possent, perpetuo resignarunt: igitur testamur, et nos cum patre nostro dilecto, necnon ceterorum militum ac famulorum testimonio, commenda[torem fratresque] ipsos utique nos debere a dicto domino B., nec suis fratribus, nec a quoquam alio hactenus inpetendo perturbari, nec ad eorum proprietatem aliquid de dictis bonis attrahere deposcentes. In cuius testimonium presentem cartulam nostrorum fecimus sigillorum munimine roborari; et quia temporis habilitas et future propagnis ignorancia tutum et cautum edocuit, experimento multorum scripti memoriam in aliquibus necessariis sub notabili testimonio memoriter notando con[s]eruari, hanc cautelam cognoscentes, presentem cartulam subscriptis testibus confirmamus, nobis uidelicet H. et Joh. dominis de Werle, et domino Her. de Lan[ge]uorde aduocato tunc temporis, et domino H. de Havelbergh cum ipso actore fratre suo domino Ber., et domino Priscebur, et domino Cummino, et domino Remberto de Stoculete, et domino Ludolfo de Zuerin, et domino Step[hano] cappellano, et domino Johanne aduocati notario, et Ricberto minore aduocato, et Jacobo iuniore, quos in huius cause determinationem et rei conscriptionem nominimus adiutores. Datum in Robele anno domini M<sup>o</sup>. CC<sup>o</sup>. LXX<sup>o</sup>. VI<sup>o</sup>. III<sup>o</sup>. idus Junii.

Nach dem Original des Geh. Kabinetts-Archives. Vgl. Jahrbücher des Meckl. Vereines II, 228 — 231.

**XII.** Heinrich, Herr von Mecklenburg-Stargard, beurfundet unter Zustimmung des Bischofes Gottfried von Schwerin, daß er dem Kloster Doberan dessen Besitzung zu Zechlin abgetauscht habe, im Jahre 1306.

In nomine Domini amen. Henricus Dei gracia Dominus Magnopolensis et Stargardensis uniuersis presentia uisuris seu audituris in perpetuum. Diversis olim tractatibus habitis inter nos ex una et venerabilem virum Dominum Johannem Abbatem Doberanensem ac ipsius conuentum Zwerinensis Dyocefsis, parte ex altera super eo, quod possessiones, proprietates et iura quelibet, que idem Abbas et conuentus habuerunt in Parochia Zechghelyn Havelbergenfis Dyocefsis ecclesiastico et seculari jure minus utiles ipsis essent, tum propter nimium distanciam a Monasterio suo, tum propter inhabitantium Potentiam, Nobisque propter contiguitatem, quam habent cum terra nostra Stargardenfi, utilitate plurima conuenirent, diligenti tandem utrinque tractatu et consilio prehabitis, in permutationem utrobique perutilem conuenimus in hunc modum uidelicet, quod predicti Abbas et conuentus nobis dimiserunt, cesserunt et assignauerunt omnia bona, possessiones, iura, proprietates siue dominia, que in villa Zechghelin et in ejus confinio habuerunt, Contentientes, quod cum hujusmodi uniuersitate jus patronatus, quod in ecclesia parochiali ibidem habuerunt, in nos pariter transferretur. Nos itaque receptis omnibus supra dictis in nostram possessionem uel quasi, plenarie translatis adeo, quod a sepe dictis Abbate et conuentu nichil amplius petemus, nec hujus rei gracia litem aliquam in perpetuum mouebimus uel moueri faciemus, Recipientes in nos omnes contentiones et lites, que ipsis uel quibuscumque aliis circa predicta omnia et singula suborte sunt, uel in futurum poterunt quomodolibet suboriri, permutationis tytulo ipsis de nostro dominio donauimus libertatem talem, quod libere et licite possint emere quatuordecim Manfos intra terminos Parochie Nyenburgh, ubicumque ipsis fuerit opportunum, sed non in nostrorum curiis uasallorum, quorum proprietatem, que uulgo egendum dicitur, ipsis dedimus perpetuo possidendam. Ceterum hac permutatione secundum modum prescriptum cele-

brata solemniter et completa pio circa ipsos moti affectu, propter vitam religiosam, quam ducunt, et sepulturam, que apud eos est progenitorum nostrorum, jus patronatus ecclesie in Nyemburgh pre-tacte et filiarum ejusdem ipsis liberaliter contulimus, venerabilis patris Nostri Domini Godefridi, Zwerinensis Episcopi, consentu ad hoc requisito specialiter et obtento. In cujus rei testimonium sigillum nostrum presentibus est appensum. Testes sunt Johannes de Cernin, Heyno de Stralendorpe, Marquardus de Lo, Helmoldus et Johannes Rosendahl dicti de Pleffe milites, et plures alii fide digni. Datum Wismarie anno domini M CCC sexto. In die Penthecostes. Nos eciam Godefridus Dei gracia Zwerinensis Episcopus In signum consensus nostri adhibiti ad puram donationem juris patronatus, de quo prescriptum est, sigillum nostrum apposuimus.

Nach dem Diplomatarium Doberanense. Westphalen a. a. D. Sp. 1584. 1585.

**XIII.** Nicolas, Herr von Werle, genehmigt den vorstehenden Tausch, im Jahre 1306.

Nos Nycolaus Dei gratia Dominus de Werle recognoscimus presentibus et testamur, quod permutationem, quam fecit Dominus Henricus Magnopolensis et Stargardenfis, noster patruus dilectus, cum Domino Abbate ecclesie Doberanensis, ratam et gratam habere volumus, quod presentis littere et sigilli nostri testimonio comprobamus. Datum Malchyn Anno Domini M CCC sexto, sabbatho post ascensionem Domini.

Nach dem Diplomatar. Doberanense. Westphalen a. a. D. Sp. 1585.

**XIV.** Der Bischof Heinrich und das Kapitel zu Havelberg versprechen dem Edlen Herrn Heinrich von Mecklenburg für das von diesem ihnen ertheilte Eigenthum über Sechlin, ihm niemals Schaden zuzufügen, im Jahre 1320.

Nos Hinricus dei gracia episcopus, Johannes prepositus, Jacobus prior totumque capitulum ecclesie Havelbergensis in omnium quorum interest uel interesse poterit noticiam deducimus per presentes, quod cum nos castrum in Zceghelyn cum villis, bonis, iuribus et iurisdictionibus univ-ersisque comodis, pheidis, serviciis et aliis quibuscumque pertinenciis, quocumque censeantur nomine, iusto empcionis tytulo comparauimus, pro additacione seu renunctiacione proprietatis ac donacione libertatis nobili ac magnifico domino Hinrico Magnopolensi ac Stargardie domino pro nobis, nostrisque successoribus in perpetuum promissum fecimus, quod eidem domino et ipsius heredibus legitimis per nos et successores nostros aut alios nostro et successorum nomine non debet dampnum uel preiudicium generari futuris temporibus aut inferri. In cuius evidenciam sigillatum dedimus presens scriptum anno domini millesimo, tricentesimo, vicesimo, die dominica ante festum beati Martini episcopi et confessoris.

Nach einer vom Archivar Herrn Fisch gefälligst mitgetheilten Abschrift des im Großh. Geh. und Haupt-Archive in Schwerin befindlichen Originales.